

<><><><><><>

Pariksha Pe Charcha

प्रधानमंत्री नरेन्द्र मोदी होरें दिल्ली दी सुंदर नर्सरी च अपने लोकप्रिय कार्यक्रम “परीक्षा पे चर्चा” दे 8में संस्करण च देश भरै थमां विद्यार्थिं कन्नै गल्लबात कीती। गल्लबात दरान प्रधानमंत्री होरें विद्यार्थिं गी मतेयानें च मते कोला मते नंबर लैने आले दबाह कोला बचने दी सलाह दित्ती। उनें आखेआ जे विद्यार्थिं गी बिजन कुसै डर—त्राह दी तैआरी करने ते लगातार अपने आपै गी चुनौती देना लोड़चदा। उनें विद्यार्थिं गी आखेआ जे अपने ध्यान गी केन्द्रित करना बड़ा मता जरूरी ऐ तां जे ओह मतेयानें दे तनाह गी सेहत पर हावी नेई होने देन। एहदे लेई उनें बच्चें गी योगा करने दी सलाह दित्ती। इस मौके पर प्रधानमंत्री होरें विद्यार्थिं गी अपने खान—पान उप्पर बी ध्यान देने लेई आखेआ। उनें इस गल्लै गी उजागर कीता जे सेहत दा मतलब छड़ा बमारी नेई होना गै नेई ऐ सगुआं एह पोषक खाना पीना, हरी सब्जियां, अपनी निंदर पूरी करना, बडलै आली धुप्प रोकना ते योगा करना इनें सब्बने आदतें कन्नै सेहत बेहर होंदी ऐ ते तनाह घट्ट होंदा ऐ। प्रधानमंत्री होरें विद्यार्थिं दे माता—पिता गी सलाह दित्ती जे ओह अपने बच्चें गी अपने हुनर दे साब्वे विषय चुनन देन ते उंदे पर अपनी जोर—जबरदस्ती नेइ थोपन। प्रधानमंत्री होरें गल्लबात दरान विद्यार्थिं गी आखेआ जे ओह अपने बर्ताव कन्नै गै समाज पर सम्मान हासल करी सकदे न। इस मौके पर प्रधानमंत्री ते विद्यार्थिं किश बूहटे बी लाए। इस कार्यक्रम गी आकाशवाणी, दूरदर्शन स्वयं स्वयं प्रभाव प्रधानमंत्री हुंदे दफ्तर दे यूट्यूब ते शिक्षा मंत्रालय दे सोशल मीडिया चैनलें पर बी प्रसारत कीता गेआ।

<><><><><><>

PM-France Visit

प्रधानमंत्री नरेन्द्र मोदी होर अज्ज संजा'लै पेरिस ते अमरीका दौरै पर जा'रदे न। प्रधानमंत्री होर फ्रांस दे राष्ट्रपति इमैनुअल मैक्रों हुंदे कन्नै ए.आई एक्शन शिखर सम्मेलन 2025 दी सांझे तौरा पर अध्यक्षता करडन। शासन च आर्टिफिशल इंटेलीजेंस दा इस्तेमाल करने दे बारै च पेरिस च अज्जै थमां 2 दिनें दा ए.आई एक्शन शिविर सम्मेलन 2025 शुरू होआ'रदा ऐ। एहदे च केई वैश्विक नेता, उद्योग जगत दे मन्ने—परमन्ने दे लोक ते केई शोधकर्ता बी हिस्सा लैगन। प्रधानमंत्री नरेन्द्र मोदी होर फ्रांस दे राष्ट्रपति इमैनुअल मैक्रों हुंदे कन्नै इस शिखर सम्मेलन दी सांझे तौरा पर अध्यक्षता करने लेई अज्ज फ्रांस लेई रवाना होंगन। इस आयोजन दा मकसद वैश्विक ए.आई नीतियें गी आकार देने दे कन्नोकन्नी, नवाचार ते नैतिक जिम्मेदारी दा आपू च तालमेल यकीनी बनाना ऐ। इस आयोजन च 100 शा मते मुख्यें दे नुमाइंदें, उच्ची सतह दे शोधकर्ता, कारोबारी जगत थमां मन्ने—परमन्ने दे लोक ते सिविल सोसायटी दे सदस्ये शिरकत करंगन ते शासन, अर्थ बवस्था ते मौलिक अधिकारें पर ए.आई दे असर बारै चर्चा करंगन।

<><><><><><>

President Kumbh

राष्ट्रपति द्रौपदी मुर्मू होर कल प्रयागराज च महाकुम्भ जांगन। ओह गंगा जमना ते सरस्वती दे त्रिवेणी संगम च पवित्र चलोबी लाई। राष्ट्रपति होरें इस मौके उप्पर उत्तर प्रदेश दियां राज्यपाल आनंदी बेन पटेल ते मुख्यमंत्री योगी आदित्यनाथ होरें बी उंदे कन्नै हे।

